



Olu orohagat ja siidaoasit leat biebman juo olu jagiid. Dát diehtogihpa lea ráhkaduvvon dieðuid vuodul maid leat hákhan das, ja dutkanbohtosiid vuodul bohccco suolbmudeami birra ja movt boazu atná ávkki iešguðetlágan fuodðariin. Govva: Tom Lifjell.

Ealu biebman – ja dávddat dan oktavuoðas

MANNE GALGÁ BIEBMAT BOHCCUID?

- Sihkkarastin dihte bohccuide biepmu go lea heajos guohtun muohttaga ja jienja dihte (heahtebiebman). Dákkár heahtebiebman čaðahuvvo sihke elliidčálgu dihte ja danne vai eallu ii nealggó ja bohccot eai jámat. Heahtebiebman sáhttá maid sihkkarastit ahte álddu guddet misiid mat cevzet.
- Go bohccot galget orrut gárddis dahje áiddi siste čohkkema, johtima dahje rátkima oktavuoðas.
- Guohtuneatnamis doallan dihte ealu čoahkis amas ribahit bohccuid boraspiriide

- Lodjudan dihte ealu ja álkidahttit čohkkema ja johtima
- Dusten dihte go oaidná ahte guohtun hedjoníšgoahtá ja lea stuorra várra ahte ferte álggahit heahtebiebmama

NB! Biebman ii leat doaibmabidju mainna doalaha ealu stuorábun go maid eallu dábálačcat sáhttá leat dábálaš lagi guohtumiid ektui.



BOHCCO SUOLBMUDANVUOGÁDAT JA MANNE BERRE BIEBMAGOHTIT OVDAL GO BOHCCO NEALGUGOHTET

Boazu lea duháhiid jagiid mielde heivehan iežas eallit friddjan luondu nuojis birra jagi, ja dasa gullá ahte dávet lea biebmu váddása duohken. Dutkamat leat čájehan ahte bohccot mat ožžot nu olu goanstafuođariid RF-80 go dáhttot, lunddolaččat eai bora dálvvi áigge nu olu, juovlamánu njučamánnui (govus 1). Dát čájeha ahte boazu lea juo heivehuvvon muhtin áigodagaid birget unnit biepmuin. Dalle boazu baicca golaha/suddada iežas buoiddi.

Bohcco suolbmudanvuogádat


Šibihat borret roavva-fuođariid, muhto boazu lea earálágán dan dáfus go dat lea intermediára smirezasti. Boazu ii leat gussa, ja danne dárbbasha dat earálágan fuođariid. Boazu lea ránto guohumii, muhto vissis muddui sáhttá dat suolbmudit borramuša mas leat olu sárrasat (fiberat). Dan lea deatalaš diehtit go galgá mearridit mainna bohcco biebmat. Tabealla 1 čájeha ahte miesit mat ožžo nuppe geardde láddjema suinniid nagodedje gaskamearalaččat borrat 4,1 kg njuoska fuođđara (0,93 kg goikeávdnasa), muhto ahte miesit mat ožžo suoidnespábbasuuinniid vuosttaš láddjemis nagodedje borrat dušše 2,7 kg (0,58 kg goikeávdnasa). Váldoerohus dáid biepmuin lei ahte vuosttaš láddjemis leat suinniin mihá roavváset gohcčirat (nađat), go nuppi láddjemis goas leat dakkárat maid leat álkit suolbmudit (Aagnes et al. 1996).

Tabealla 1. Gaskamearalaš beaivválaš suođđara borran (kg) – miesit mat borra suinniid suoidnespáppain 1. ja 2. láddjemis (Aagnes et al. 1996).

	1. ládju	2. ládju
Goikeávnassidoallu (%)	21,0	22,6
Gaskamearalaš goikeávdnasa borran (kg) beaivvis	0,58	0,93
Fuođđara gaskamearalaš borran beaivvis (kg)	2,70	4,10

Bohcco guomočoavjjis leat hui olu mikroorganismmat. Dát mikroorganismmat leat áibbas dárbašlaččat danne go dat suddadit dakkár osiid borramušas maid boazu ii nagot ieš suddadit smirezastimiin. Dat leat vuosttažettiin karbohydráhtat maid lea lossat suddadit, nu go cellulosa ja hemicellulosa. Go mikroorganismmat suddadit dáid ávdnasiid, de oažžu boazu bibmosa ja energija dain.

Jus boazu šaddá guhkit áiggi nealgut borramuša haga, de dagaha dat ahte čoavjjis unnu mikroorganismmaid mearri. Dutkamat leat čájehan ahte njealji beaivvi nealgun unnida dáid deatalaš baktearaaid ja mikroorganismmaid meari nu ahte báhcá dušše 10-20 % (Aagnes et al. 1995). Dat sáhttá dagahit ahte smávit álgghanbiebmama ja nealguma manjel lea bohccui váttis oažžut ávkki dan ođđa fuođđaris maid dasto oažžugohtá. De ádjána guhkit hárjánit ođđa fuođđarii. Dat lea sivvan dasa go lea deatalaš ahte lea gearggusvuodaplána (dustenplána) nu ahte sáhttá álggahit biebmama ovdal go bohccot nealgugohtet váttis guohtundilálašvuodaid geažil.



Govus 1. Beaivválaš borranmearri, Svalbárda bohccot ja Norgga bohccot (grámma fuođđar/kg boazu) mat ožžot nu olu pelletsfuođđara go dáhttot. (Govus vižžojuvvon: Tyler, 1993).

Veahážiid mielde hárjehit oðða bibmui

Go addá ja lasiha fuoððariid veahážiid mielde seammás go eallu guohtu dábálaččat, de beassá suolbmudanoalli hárjánit bibmui. Go biebmá bohccuid mat eai leat hárjánan dasa, de lea dehálaš ahte álgos bidjá fuoððariid njuolga eatnamii. Dat lea danne go boazu lunddolaččat ohcá biepmu eatnamis, ja nu dat álgá «čuoggut», ja loahpas borragoahá biepmu.

Bohccuid ferte biebmagoahtit ovdal go dat nealgugohtet vai bures ollejit hárjánit dasa

VÁLDO FUOÐARSORTTAT

Jeagil lea dat maid boazu buot ovddemus vállje dálvet. Boazu lea áidna smirezasti min guovlluin mii sáhttá jeahkális atnit ávkki borramuššan. Jeahkális leat olu karbohydráhtat (energiija), muhto unnán proteiidna, vitamiinnat ja minerálat. Vaikko boazu očošiige vaikko man olu jeahkála, de geahppu dat liikká. Danne borrá boazu maiddái šattuid iðuid, daknasiid ja muorrašattuid go guohtu lunddolaččat (omd. Storheier ja earát 2003). Jeahkális lea dat ovdamunni ahte vaikko livčiige nelgon guhká, de boazu borrá jeahkála bures ja sáhttá ávkki atnit jeahkála energijas. Jeahkáliid ii leat nu álki gávdnat oastit, eai ge jeahkálat vuvdojuvvo stuora hivvodagaid mielde boazofuoðarin. 2017 rájes šattai vel váddásit gávdnat jeahkáliid oastit go oaivevuorri (CWD, chronic wasting disease) njoamui gottiide Nordfjellas. Biebmobearráigeahču lea gieldán biebmamis bohccuid jeahkáliin mii lea bordojuvvon lullelis Davvi-Trøndelága.

Rássepellets lea goikaduvvon ja ferdnejuvvon rássi mii lea deddojuvvon pelletsan. Rássepellets ja

fápmofuoðar sisttisdotlet birrasiid 90 % goikeávdnsa ja 10 % čázi. Go rássi lea ferdnejuvvon, ja roavva oasit leat smávvejuvpon, de sáhttá fuoðar mannat bohcco suolbmudanoali čaða vaikko pellets lea ge ráhkaduvvon roavva rásiin. Alla sáddengoluid geažil ii ráhkak oktage dain stuora fuoðarbuvtadeddjiin nu stuora meriid rássepelletsa. Livčii vejolaš buvttadit rássepelletsa báikkálaččat, muhto dat gáibidivččii investeremiid láddjen-, goikadan- ja pelleterenrusttegíida. Dasa lassin fertejít leat heivvoláš areálat rássešaddadeapmái.

Fápmofuoðar lea pellets ráhkaduvvon iešguðetlágan gortniin, sohkarindustriija ligebuktagiin (betemássa, melássa), muhtinlágan buoideávdnsa (omd. rápsasiepmaniin) ja proteiinnas ja masa vel leat lasihuvvon minerálat ja vitamiinnat mat leat heivehuvvon bohcco ollislaš biepmusdárbi. Čoahkkádus lea gávnnahuvvon daid oallut biebmandutkamiid vuodul mat eanas muddui čaðahuvvojedje 1960- ja 1970-loguin, ja biebman-geahččaladdamiid vuodul mat dan rájes leat čaðahuvvon. Skandinávia iešguðet buvttadeddjiid bohccofuoððariid biepmussidoallu lea oalle ovttalágan, vaikko muhtin fuoðarsorttat (Ruotás ja Suomas) leat heivehuvvon addot bohccuide ovdal njuovadeami ja sisttisdotlet eambbo proteiinna (gitta 14 % rádjái), go dat fuoððarat mat vuosttažettiin leat jurddašuvvon eastadit nealguma ja doalahit bohccuid dan meari vuoimmis ahte cevzet dálvvi badjel (sisttisdotlet dábálaččat 10-12 % proteiinna). Fápmofuoððaris lea unnán struktuvra; ja ovttageardánis biebman, ilá olu proteiindnasidoallu, dahje olu fuoðar sáhttá lužuhit ja vearrámus dilis dagahit bohccui suvrra gubmuid (čoavji stuhčá). Fápmofuoðar vuvdojuvvo 25 kg smávvaseahkaid,



Bohccuid biebman jeahkáliin. Govva: Tom Lifjell.



FK REINFÔR BAS. Govva: Erlend Winje.

800 kg stuoraseahkaid mielde dahje luovosnaga fápmofuoðarsilos. Fápmofuoðar mii vuvdojuvvo luovosnaga lea gitta kruvnno hálbbit kilos go fápmofuoðar mii vuvdojuvvo báberseahkaid mielde. Lea čájehuvvon ahte sáhttá ádjánit veahá ovdal go boazu hárjána fápmofuoðara máhkui ja mielas borragohtá dan.

Roaavafuoðar lea goikesuinniid ja ensilerejuvvon suinniid (suoidnespáppaid/silo) oktasaš namahus.
Suoidni lea goikaduvvon rássi mii sistisdoallá 80-85

proseantta goikeávdnasa. Goikesuoidni ii galbmo, ja dan lea álki fievrredit jus lea páhkkejuvvon muttágis sturrosaš spábban (20-40 kg). Leat goitge čadnon hástalusat dasa ahte goikesuinniguin biebmat bohccuid: Goikesuinniid berre vurkkodit goikásis amaset njammat čázi ja guohcagišgohtet. Muhtin buvttadeaddjit vuvdet stuora suoidnespáppaid maid birra lea gissojuvvon plastihkka vai sáhttet olgun vurkkoduvvot. Lea dehálaš ahte dát suoinnit leat joðánit goikaduvvon láddjema manjel seailluhan dihte álmmi ja eastadan dihte guohcaganproseassaid mat billistik mágu. Vai boazu galgá sáhttít ávkki atnit suoinni álmmis, de lea dehálaš ahte suoinnit eai leat láddjejuvvon beare manjít šaddanáigodagas, muhto ovdalgo gohčírat (naðat) dáktet (leat šaddan roavvásat). Goikesuinniin ges sáhttet olu dain bibmosis ja álkít suiddi oasit mannan duššás jus suoinnit leat eatnamis goikaduvvon.

Suvrafuðar-suoidnespáppat (ensilasje) leat suvrra, geavvaduvvon rásit mat sistisdoallot 15–50 proseantta goikeávdnasa. Konserverenproseassa dihte ii guohcat rássi vaikko sistisdoalláge unnán goikeávdnasa. Suoidnespábba mas lea buorre kvalitehta, mas lea unnimusat 25 proseantta goikeávnas, heive bure fuoðarin bohccuide. Dábalaš suoidnespáppat deddet 600-1200 kg, muhto gávdrojtit maid unnbspáppažat mat deddet dušše 40 kg. Jus suoidnespáppaid oažú báikkálaččat oastit, de unnot fievrridangolut. Muhto dáið lea gal hui váttis háddjet jus ii leat mekánalaš suoidnespábba-gaikkodeaddji mii gaiku suinniid luovos suoidnespáppain.



Goikesuinnit maiguin áigu bohccuid biebmat galget leat goikásat ja buori kvalitehtas (gurut bealde). Goikesuinniin mat leat leamaš njuoskan sáhttet baktearit ja guohpa billistan kvalitehta, dagahan heajos mágu ja ivnni (olgeš bealde govas). Jus boazu borrá dakkáriid, de sáhttá dat dagahit čoavjeváttuid (suolbmudanváttisvuodaid). Govva: Svein Morten Eilertsen.




Suoidnespáppat maiguin áigu bohccuid biebmat, berrejít sistisdoallat unnimusat 25 % goikeávdnasa. Govva: Erlend Winje.

GÁIBÁDUSAT FUOÐÐARIIDDA

Láddjenáigi, biepmusávdnasat ja suolbmudeapmi
Goikesuinniin ja suoidnespáppain lea dat oktasaš ahte dábalaš áigái dahje manjxit vuosttaš láddjejuvvon suinniin (Govus 2) leat olu roavva gohčírat (naðat). Dain ii leat nu njálga máhku, ja leat lossadat suolbmudit, ja báhcet orrut go boazu lea oanehaš borran. Jus boazu muðui oažju ilá unnán fuoððara, de gal borrá maiddái dáid álmmehis gohčíriid. Dat ádjánit hui guhká johtit bohccó suolbmudanoali čaða. Go daid lea nu lossat suolbmudit, de oažju boazu beare unnán bibmosa dán borramušas ja dat nealgu vaikko suolbmudanoaris leatge dievva roavva gohčírat/suoinnit. Govus 2 čájeha móvt suinniid kemijalaš čoahkkádus rievddada dan mielde goas šaddanmuttus dat leat láddjejuvvon. Jus árrat láddje, de lea daid lea álki suolbmudit, ja šaddá váddáseabbon daði mielde goas daid láddje. Earret eará lassána suolbmuteahthes lignin, ja proteiindnasisdoallu unnu daði mielde. (Govus vižón Mo, 2005).

Manjxit láddjenáigi dagaha váddáseabbon bohccui suolbmudit suinniid ja addá unnit biepmusávdnasiid




Govus 2. Kemijalaš čoahkkádus suinniin daði mielde goas dat leat láddjejuvvon (Govus vižón Mo, 2005).

Goikeávnnessisdoallu

Goikeávnnessisdoallu lea deatalaš faktor fuoðarsortta válljemis. Goikesuinnis ja rásspelletsis/fápmofuoððaris lea birrasiid 90 % goikeávnnes. Dat mearkaša ahte dušše 10 % das mii fievrreduvvvo meahccái bohccobiebmun lea čáhci. De ferte muitit ahte boazu goiká ja danne ferte lahkosis leat buhtis čáhci dahje muohta. Suoidnespáppain sáhttá leat nu unnán go 20 % goikeávnnes ja jus dat deaddá 750 kg, de geasehuvvo 600 lihttera čáhci. Eará deatalaš ágga čáhccás suoidnespáppaid vuostá (main lea unnán goikeávnnes) lea ahte boazu ferte golahit

olu energija suddadir jienja/čázi mii lea fuoððaris, ja dan ligget goruttemperaturvrii. Mikroorganismmat bohccó čoavjjis barget beaktilepmosit bohccó goruttemperaturvras. Danne unnu suolbmudeami effektivitehta go čoavjái boaháti jiekñagalbma fuoðar mas lea olu čáhci mii njeaidá temperaturvraa. Suomas ávžuhuvvo ahte suoidnespáppaid goikeávnnes-sisdoallu berre leat unnimusat 35 %.



Govus 3. Liigefuodðara goikeávnnessisdoallu lea dehálaš go galggat válljet iešguðetlágan fuoðarsorttaid gaskkas. Goikeávnnes lea dat oassi fuoððaris mii ii leat čáhci ja mas bohccot galget suolbmudeami bokte oažüt biepmu. Njuoska fuoððara, mas lea vuolle-gis goikeávnnesproseanta, lea divrras fievrredit ja dat jieknu ákit

Geavvankvalitehta ja máistu

Ávžuhuvvo garrisit válljet suoidnespáppaid maidda leat lasihuvvon ensilerenávdnasat mat sihkkarastet rievttes geavvama ja mat bisuhit energija ja máisttu (čáhcái suddi sohkka). Lea čájehuvvon ahte boazu liiko suoidnespáppade main máisto ahte leat lasihuvvon ensilerenávdnasat ovdalii go dakkáriid maidda ii leat lasihuvvon. Suoidnespáppat main lea badjel 35-40 % goikeávnnes sáhttet ákit guohpput. Lea deatalaš ahte suoidnespáppade lasihuvvojít ensilerenávdnasat mat leat heivehuvvon ovdalgíhtii goikadaston rásiide. Nugo goikesuinniir dáfus, de lea deatalaš ahte maiddái suoidnespábbii ii leat láddjejuvvon beare manjxit vai boazu sáhttá suolbmudit ja ávki oažüt biepmusávdnasiin. Go oastá suoidnespáppaid de berre gáibidit ahte vuovdi čájeha fuoðaranalyza. Dakkár analysa čaðahit omd. OfotLab ja Enrofins. Analysabohtosa mielde čuovvu bajilgovva das mat leat dohkálaš mearit iešguðetge ávdnasiin fuoðariskosis. Ovdamearkka dihte ii galgga leat badjel njeallje grámma vuodjasuvri (smørsyre) juohke goikeávdnasa kilos. Ettetsuvri sisdoallu berre leat 12-30 grámma/kg goikeávnnes. Vuosttaš lájuid fuoðar berre leat láddjejuvvon árrat. Fuoðar mii lea láddjejuvvon manjxit go vahkku dan rájes go timoteija upmol ihtá (dárogillii skyting), ii bálljo anit bohccó fuoðarin. Buoremus lea fuoðar nuppi lájus, mas leat olu lasttat. Norsk landbruksrådgiving sáhttá veahkehít



váldit ja sáddet sisu iskosiid fuoðaranalysisii, ja dulkot analysabohtosiid.

**MUITTE: Roavvafuoððaris mas lea unnán goikeávnas mávssát don divrasit čázi ovddas, erenoamážit jus haddi lea suoidnespáppaid logu mielde, ii ge goikeávdnsa kiloid mielde.
1. lájuid fuoðar ferte leat árrat láddjejuvvon!
Buoremus livčii 2. lájuid suoidni.**

BIEBMANRUTIINNAT

Jus addo beare unnán fuoðar, dahje leat beare unnán biebmansajit, de gokset gievrramus bohccot daid earáid. Bohccuin lea dakkár luondu ahte orrot čoahkis ja geahnohit bohccot bissot das ealloravddas, guhkimusas eret biebmansajis. Ja go nu dahket, de eai guodo dábálaš guohtuneatnamiinge, ja biebman dagaha eanet nealaggi geahnoheamos bohccuide. Jus biepmat beare unnán, de lea várra ahte gievrramus bohccot bisuhit dahje ožot buoret vuomimi, seammás go geahnoheamos bohccot nelgot. Danne addet muhtin boazoeaiggádat muhtin dilálašvuodain olu fápmofuoððara. Jus addá sihke fápmofuoððara ja roavvafuoððara oktanis dahje jus bohccot muhtin muddui gávdnet lunddolaš guohtuma, de sáhttá fápmofuoððara meari unnidit sakka.

Bohcco luondu lea roggat biepmu manis, ja jus ii ane fuoðargári (fápmofuoððarii) dahje eará lihti (suinniide/suvrrafuoððarii) de sáhttá olu fuoðar jávvásit muohntagii, mannat biekka mielde dahje

Jus atná biebmangárid de lea deatalaš muitit daid buhtistit dávjá vai njoammudávddat eai leava bohccuid gaskka, ovdamarkka dihte nekrobasillose /šlubbu (gč. vuollelis).

li galgga biebmata bohccuid suoidnespáppaiguin ja goikesuinniiguin mat leat guhpon. Jus leat guhpon, de sáhttá dat mearkkäit ahte eai leat lasihuvvon ensilerenávdnasat, dahje ahte guðjen plastika sisu ii leat dahkkon riekta. Guhpon suoinnit eai dáiðde leat leamaš goikan albma ládj, dahje eai leat vurkkodu-vvon goikásis. Govva: Svein Morten Eilertsen.

njuoskat ja mannat dušái boazofuoðarin. Olu boazodoallit atnet stuora biebmanreagaid maiguin geasehit fuoððara meahccái. Earát fas leat hutkan reagaid maid geaseha skohtera manis ja main gilvá fuoððara miehtá. Nu biðgejuvvo fuoðar viidábut nu ahte buot bohccot olahit fuoððara oktanis.

Boazodoallit geat leat geahčaladdan biebmama lohket ahte lea deatalaš gilvit fuoððara viidát vai BUOT bohccot ožot fuoððara OKTANIS.



Fápmofuoððara gilvá reagas ovdalgihti vuddjojuvvon luotta ala. Govva: Svein Morten Eilertsen.



Doppe gos lea njuoskkas ja loškkaš berre atnit fuoðargáriid mat leat loktosis, vai bohccot eai duolmma fuoððara ja vai eai nuoskkit dan.
Govva: Erlend Winje.

Dálvet borrá boazu muohttaga goikku vuostá. Livččii ovdamunni jus boazu oččošii golgi čázi vai ii dárbbas golahit vuoiimmi muohttaga suddadit. Jus biebmá bohccuid gárddi siste de fertejít oažut buhtis čázi dahje buhtis muohttaga, danne go bohccot ieža fargga nuoskkidit muohttaga eatnamis. Vállje eandalii báikki gos eanan njammá čázi – alážis dahje luohkás – vai ii stánžo, njuoskka ja duolvva. Dasa lassin berre bohccuin leat doarvái sadji, vai eai oro iežaset baikkaid siste. Bohccot dárbbasít eanet juhkat go biepmat goike ja goikaduvvon fuoððariiguin. Livččii buorre sirdit biebmáikki beaivválaččat. It ge berre gilvit eambbo fuoððara go dan maid borret eret oalle joðánit. De ii duolmmahala ja nuoskkiduvvo fuoðar.

Válljet liigefuoððara

Olu boazodollin leat buorit vásáhusat fápmofuoððariiguin ja goikesuinniguin dahje suoidnespáppaiguin biebmamiin. Álggos lea buorre háddjet suinniid viidát, vai bohccot ádjánit daid borrat dan botta go fápmofuoðar buktojuvvo. Goikesuinniid ja suoidnespáppaid ovdamunni lea ahte dat sisttisollet eambbo roavva šaddoávdnasiid mat bures devdet čoavjji ja čoliid. Dainna gallána boazu ja livvu ja smirezastá. Seammás sihkarastá fápmofuoðar ahte bohccot ožot doarvái bibmosa nu ahte bissot vuoimmis.

Ekonomija lea maid deatalaš bealli fuoðarsortta válljemis. Hálbbimus fuoðar sáhttet leat báikkálaččat buvttaduvvon suoidnespáppat, muhto dat eaktuda ahte lea heivvolaaš gieðahallanvuohki ja vejolašvuohta

fievredit biebmáikái (geahča eanet dan birra maŋnelis). Eaktuduvvo maid ahte suoidnespáppaid kvalitehta lea buorre. Jus ii leat, de sáhttá šaddat divrras ášin jus dain lea unnán biepmus ja/dahje bohccot buohccájít. Go oastá suvrrafuoððara suoidnespábban de berre hatti geahčat goikeávnassidoalu ektui, geahča ovdamearkka maŋnelis. Fuoðar mas lea olu čáhci máksá eambbo goikeávnaskilo ektui sihke oastit ja fievredit biebmansajiide.

Jus galgá guhkás fievredit, de ávžuhuvvo válljet fápmofuoððara dahje rássepelletsa. Dan lea nu go namuhuvvon, hálbbit ja álkit fievredit seammás go lea sihkar ahte fuoððaris lea buorre kvalitehta. Jus lea heittot dahje ii obage lunddolaš guohtun, de berre liikká árvvoštallat addit suoidnespábbasuvrrafuoððara dahje goikesuinniid lassin fápmofuoððarii, danne go dušše fápmofuoððara borran sáhttá dagahit dávddaid mat vulget biebmamis.



Suoidnespábbá mas lea suvrrafuoðar, Romssas. Govva: Erlend Winje

- **Suoidnespábba mii deaddá 750 kg ja mas lea 20 proseantta goikeávnas sistisdoallá oppalaččat 150 kg goikeávdnasa. Golbma suoidnespáppa sistisdolet de oktiibuo 450 kg goikeávdnasa.**
- **Goikadaston suoidnespábba mii deaddá 750 kg ja mas lea 30 proseantta goikeávnas sistisdoallá oppalaččat 225 kg goikeávdnasa. Guokte suoidnespáppa sistisdolet de 450 kg goikeávdnasa.**

Jus goikeávdnasa sisdoallu lea 30 proseantta, de dahket guokte suoidnespáppa seamma olu fuođđara go golbma spáppa main lea 20 proseantta goikeávnas.

DÁVDDAT MAT BOHTET NJUOLGA BIEBMAMA OLIS

Norgga beale bohccuid dearvvašvuhta lea dál oppalaččat buorre, muhto dálkkádat-rievdamiid geažil lea lassibiebman dađistaga lassánan. Suoma ja Ruota bealde leat oahppan ahte biebman sáhttá čuoħcat bohccuid dearvvašvuhtii. Dat lea oidnon doppe gos lea nákkisuohtha, váilevaš čorgatvuohtha ja eanet njoammunvárra. Dat dáhpáhuvvá dávjjimusat doppe gos bibmojuvvo gárddis, muhto maiddái go meahcis biebmá. Dasa lassin sáhttet muosehuhttimat geahnohuhttit bohccuid immunasuodjalusa ja dahkat bohccuid rašibun dávddaid vuostá. Dás manjelis namuhuvvojtit muhtin dávdat mat sáhttet bohciidit.

Olu dain buozanvuodahástalusain mat čuvvot bohccuid biebmama olis bohtet das go bohcco suolbmudanoalit eai leat heivehuvvon dahje hárjánan dan bibmui maid ožtot.

Suvrra gubmot/vomacidose/stuhčečoavji lea várra dábleamos biebmamii guoskevaš dávddain bohccuin Norgga bealde. Dávda sáhttá bohciidit go



Go čoavji lea suvron, de leat gubmot hui njárbadat, ja danne sáhttá ge gullat ahte čoavji stuhčá. Govva: Terje Josefson.

guomočoavji obbo danne go gubmot leat ilá suvrát. Dat sáhttá dáhpáhuvvat go boazu borrá beare olu dakkár karbohydráhtaid maid álkit suddada, omd. fápmofuođđara dahje láibbi, dahje jus biebmu lassána beare jođánit. De rievda gubmuid flora, ja vearrámus dilis sáhttá geavvat nu ahte gubmuide gártet liiggás olu mielkesuvrebaktearat mat suvrudit gubmuid vel eambbo. De šaddá heaggavárra danne go varrii manná eambbo suvri go maid varra nagoda fievrredit, ja maiddái varra šaddá suvrát go galgá leat (acidose). Dainna sáhttá boazu jápmít. Dahje gorut sáhttá goikat danne go čáhci njammása gorudis čoavjái, ja de boazu goiká (dehydrere).

Suvrra gubmuid/stuhčečoavji sáhttá leat váttis dikšut ja mágga dáfus jápmá boazu. Jus ii leat nu garrisit dohppehallan de sáhttá boazu dearvvašnuvvat moatti beavvis. Bohccui berre addit jeahkála vai čolggá buvttadeapmi lassána ja vai dat dásse pH-meari čoavjis. Sáhttet gal čuožžilit hástalusat manjel, nugo čoavjehávit dahje baktearavuolši ja eará infekšuvnnat, dahje vomtympani (čoavji baggá). Guoira bohccos sáhttá dávda dagahit borranlusttu ovdii, ja de lea várra ahte dat jápmá ovdal go čoavji fas doaibmagoahtá.

Čoavji dievvá (Gressbuk/grasbuk/gräsbuk) jus bohcco biebmá dušše fuođđariin main leat roavva sárrasat, omd. suinniguin dahje suoidnespáppain mas leat olu garra suoinnit ja unnán suoidnelasttat. Boazu ii nagot suddadit/suolbmudit hui roavva fuođđara ja danne dat bisána čoavjái, ii ge mana viidáseappot. Boazu borrá liikká ain, ja čoavji dievvá ja stuorru. Seammás ii oaččo boazu doarvái energija fuođđaris, ja danne sotnagoahtá dan iežas gorut.

Jus dát dilli ii bisán de geavvá nu ahte boazu nealgu jámas vaikko čoavji lea dievva. Dávjá oaidnit dákkár dili bohccuin mat bibmojuvvojtit roavva fuođđariin. Boazu sáhttá dábálaččat buorránit jus dasa addá geahppaset biepmu, mii álkibut suolbmu.

Luhčadávda/diaré oidno dávjá go fápmofuođđariin biebmá, ja sáhttá leat suvron čoavjji mearka. Luhčadávda sáhttá maid boahtit go biebmá fuođđariin main leat olu fiberat (sárrasat), dahje siloin, dahje jus suolbmudanoalis leat dihto bakterainfekšuvnnat. Dikšut ferte dađi mielde makkár fuođđariin dat lea bibmojuvvo.

Vomtympani/baggan lea dat go bohcco čoavjái dievvá gásssa dahje sokta, ja boazu ii nagot reavgut dan olggos. Čoavji baggá nu sakka ahte dat hehtté sihke vuognjama ja varrajođu, ja boazu sáhttá hávkat.

Šibihat sáhttet baggat dánna lágiin jus guhtot olu luovvaršattuid dahje eará eartašattuid, dahje jus garrisit bibmojuvvojít fápmofuoððariin. Bohccot ges lávejit baggat jus ožot beare olu fápmofuoððara. Dát gíksi ii oro leame nu dábalaš bohccuid guovdu.

Njuoska/njuorve guolga sáttá bohccos leat. Guolggat orrot njuoskkasin, erenoamážit juolgemáddagiin, julgiid mielde, čoavjjevuoli ja rattevuoli. Dákko sáttá maid guorbbagit, várra danne go boazu njoallu. Boazu mas guolga lea njuoskkasin orru leame nealggis ja borrá olu, muhlo lea liikká heajos vuoimmis. Muitaluvvo ahte dakkár boazu manná hui čoahkkái go livvada, ja orru galbmome.

Ii leat dihtosis manne bohccot ožot dán dávdda, muhlo dat lea oidnon duše biebmama oktavuoðas. Ii leat guhete dihto fuoðar mii orru dagaheame dávdda, muhlu dikšunráva lea goitge ahte ferte rievadit biebmama. Sáttá leat váttis gávdnat divšu mii ábuha.

DÁVDDAT NÁKKISVUOÐA JA STREASSA OKTAVUOÐAS

Muhtin dearvvašvuoðahástalusat maid vuohittit bohccuin biebmama oktavuoðas bohtet das go leat olu bohccot (boazonákkis), váilevaš čorgatvuhta ja stuora njoammunvárra. Dat dáhpáhuvvá dávjjimusat doppe gos bibmojuvvo gárddis, muhlo maiddái go meahcis biebmá. Dasa lassin sáhttet muosehuhttimat geahnohuhttit bohccuid immunasuodjalusa ja dahkat daid rašbun dávddaid vuostá.

Bohccuid biebman, erenoamážit gárddis, dagaha eanet oktavuoða bohccuid gaskka, mii sáttá lasihit njoammunvára.

Njoammu čalbmevhki lea dábalaš gíksi mas bohcco herpesvirus lea guovddáš sivalaš dávda leavvamii.



Gurut govva: Čalbmevhki lea álgán ja čoarvecuoza (čalmi olggumus čađačuovgi geardi) geaððu. Čalbmi golgá, ja čalbmečehka lea ruddon. Govva: Torill Mørk. Olgeš govva: Čalbmevhki lea oalát dohppen, ja dan olis lea čuvvon baktearainfekšvdna, ja čalbmi ja čalmi birra lea bohtas, čoarvecuočcas leat hávit ja olles čalbmi lea ruddon. Govva: Morten Tryland.

Dát virus lea eanas rávisbohccuin Norggas ja infekšvdna bistá eallinagi. Go lea streassa, ovdamearkka dihte dalle go eallu lea gárddis, dahje go bohccot fievrreduvvojít dahje nelgot, sáttá infekšvdna ealáskit dain bohccuin main lea virus. Dalle njoammugoahá virus dakkáriidda main ii leat vuos virus, erenoamážit misiide ja nuorra bohccuide.

Njoammu čalbmevhki ilbmá duos dás ja dagaha nuppi dahje goappaš čalmiide vuolšsi. Álggos vuos golgagohtet čalmmit, čalmmevuoli lea njuoskkas ja čalmiid birra ja čalbmerapmasat leat bohttasat. Dasto geaððu čoarvecuoza (čalmi olggumus čađačuovgi geardi) ja vilggoda dahje alihastigoahá. Dávjá sáttá dát iešalldis buorránit, muhlo soames háve vearáska baicca ja čoarvecuzzii šaddet hávit. Dasto bastet baktearalaš infekšvnнат ja dilli vearáska vel eanet ja jus de ii oaččo buorránit, de sáttá čalbmi billohuvvat ja boazu čalmehuvvá.

Dát virus lea eanas rávisbohccuin buot ealuin. Danne ii leat vejolaš eastadir njoammuma. Go čalbmevhki bohciida, de berre liikká doallat buohcci bohccuid sierra, omd. sierra gárddis. Dat lea danne go buohcci bohccuin leat nu olu virusat, ja sáhttet álkít njoammudit nuorra bohccuide main ii leat virus ovdalačcas. Lea deaðalaš bassat ja buhtistit golgi, ruddon čalmiid, ja muhtin muddui soaitá dat leat doarvái. Eará háviid ferte addit antibiotika sekundára baktearalaš infekšvnnaid vuostá. Muhtimat válljejít njuovvat eret ovdal go bearehaga buohccájít. Dávda soaitá sáttit eastadir jus ii stresset bohccuid.

Nekrobasillose/klövröta/klauvråte/slubbá boahá baktearas Fusobacterium necrophorum mii gávdno lunndolaččat guomočoavjjis ja boahá olggos baikkaid mielde. Bakteara ceavzá eatnamis ja baikkain lákta eatnamis, ja njoammu bohccos bohccui eatnama ja fuoððariid mielde ja guoskama bokte. Dávda sáttá




bohciidit go olu bohccot leat gáržásis, ovdamearkka dihte gárddis gos eanan lea njuoskkas, dulbmojuvvon ja baikan, ja geaðgás, rušu eatnamis. Dávda láve dávjjibut bohciidit liegga njuoska dálkin.

Dávdda dovdomearka lea vuolši ja ahte oažzi jápmá. Dat boaháta erenoamáš mirkuuin (toksiinnain) maid bakteara buvttada. Bakteara manná háviide náhkis ja njuoskaočciin ja dagaha iešguðetlágan dávdda daði mielde gokko falleha. Bohccos lea dábáleamos ahte juolggit dahje njálbmi vuolšu.

Jus infekšuvdna/vuolši deaivida juolggis/gaccain de boazu skierbmugoaháta ja juolggit šluppagit. Danne lea ge dávdda namma šlubbá dahje šlubbu. Jus vuolši šaddá njálbmái, de soalssidišgoaháta boazu, ii ge sáhte borrat ja biepmu oažzut heggii. Dávda sáhttá njoammut njálbmái go boazu njoallu háviid julggiin dahje go borrá fuoððara dahje eatnama gos leat njoammu baktearat. Miesit main lea njálbmevuolši sáhttet dan njoammudit álddu ruoksái, ja lea maid oidnon ahte dávda lea njommon vuolledábiide ragatágge. Skihpa háviin sáhttet leavvat hirbmat olu baktearat.

Infekšuvnna/vuolši sáhttá dikšut antibiotikain. Dasa lassin dárbbásha boazu lassi divšsu (omd. fuoððara, čázi ja hívvedivšsu) mii heive dávdi. Njoammuma eará bohccuide sáhttá eastadit jus rievanda birasdiliid, ja sirre buohcci bohccuid eret dearvvaš bohccuin.

Pasteurellose lea njoammudávda mii boaháta Pasteurella-baktearin. Dat gávdnojít dábálaččat bohcco vuoinjähagaid bajágeahčen, muho sáhttet dagahit bohcco buohccin jus das lea hedjonan immunasuodjalus dahje jus lea njoammugoahátan.



Jus lea Pasteurella-geahpesvuolši de lea dábálaš mearka ahte leat dáðdon, sáhppes dielkkut geahppán, ja fibriidnasárrasat (govas oaidnit dego fishes árpput). Govva: Torill Mørk.

Dávda láve dávjá bohciidit čohkkemiid áigge, ja báhkaid áigge.

Dávda sáhttá deaividit ovttaskas bohccuide dahje sáhttá viidánit eanet bohccuide. Dávjjimusat buohccajit miesit, árvvusge njoammu boarráset bohccuin mat juo girdet bakteara (leat immunat dan vuostá). Dalle láve boazu oalle fáhkka buohccát varramirkkokhusain ja oažzu febera ja jápmá moatti diimmus, vaikko ii neaktán buohccin ovdalgihtii. Eará



Nekrobasillose/šlubbá sáhttá dagahit vuolši njálbmái (gurut) ja juolgái (olgeš) Govat: Ingebjørg H. Nymo ja Malin Rokseth Reiten




háviid ges álgá dávda geahpesvulššiin, bistá guhkit ja boazu snuolggida, gossá ja snuððá. Dábálaččat jápmet maiddái dat bohccot.

Pasteurellose sáhttá dikšut antibiotikain, muhto go dávda vearáska nu joðánit, de lea dárbbashaš álggahit divššu hui árrat. Boazodoalus sáhttá leat vejolaš dušše soames bohcco gádjut. Eastadan dihte njoammuma leavvamis berre sirret buohcci bohccuid ja váruhit eará ealuide lahkoneamis dan áiggi go dávda lea.

Čoalleparasihtat šaddet stuorát váttisvuohtan go bohccot dollojuvvojít gárddis ja lahkalaga go de stuorru njoammunvárra. Lunddolaš guohtumiin eai leat fuomášuvvon čoallebaktearaid dagahan dávddat, muhto omd. koksidiose misiin sáhttá šaddat stuorát váttisvuohtan guottetgárddiin. Oppalaččat sáhttet lassánan čoallebaktearat vuommehuhtit buot agi bohccuid, muhto erenoamážit misiid.

Njálbmevhki boahtá parapox virusis. Dát virus njoammu smávvašibihii bohccuide njuolggó oktavuoða bokte, dahje eahpenjurolga omd. rusttegiid, fievrredanbiillaid dahje oktasaš guohtumiid bokte. Virus sáhttá guhká ceavzit birrasis ja njoallungeaðggit meahcis lasihit njoammunvára smávvašibihii bohccuide.

Dávdamearkkat sáhttet iešguðet lágde ilbmata. Dain bohccuin maidda dat ihtet, lea vuosttaš mearka ahte ihtaluvvá (ruvssoda), ja sáhttet šaddat skoavhllit. Jus ii leat garrisit dohppehallan, de jávket dat golmma-njealji vahkkus. Muhtimiidda sáhttet skoavhllit stuorrut spártolágan skártan mat bistet guhká. Skárttaid vuolde lea lea oažzi bohtas ja vardá. Lea dábáleamos ahte ihtaluvvá baksamiid ja njuni birra. Skárttat sáhttet leavvat njálbmái ja dagahit váttisin guohtut/borrat. Sekundára baktpearainfekšuvnnat sáhttet vearáskahitt dili.



Gurut bealde: Njálbmevhki árra muttus. Olgeš bealde: Njálbmevhki lea dagahan spártolágan skárttaid. Govva: Ingebjørg H. Nymo.

Dán dávdda vuostá ii gávdno dikšu mii buorida. Vai ii njoamo olles ellui, de lea deatalaš sierra doallat bohccuid maidda dat lea njommon, dassázii go spárttut jávket. Dat sáhttá ádjánit mánga vahkku. Dán áigodagas ferte bearrái geahččat ahte boazu sáhttá borrat ja juhkat. Jus šaddá baktpearainfekšuvdna, de sáhttá dan dikšut antibiotikain. Go vuos lea leamaš dát dávda, de lea boazu immuna goit muhtin áiggi, muhto ii soaitte olles eallenagi gal.

Lea deatalaš diehtit ahte dát dávda sáhttá njoammut maiddái olbmuide. Olbmuin leat seamma dávdamearkkat go elliiin, namalassii skoavhllit dahje spárttut, dábálaččat gieðain.

Biebman ja DBS (dearvvašvuhta, biras ja sihkarvuhta)

Boazodoallu lea gáibideaddji bargosadj DBS dáfus. Ja go dasa lassin ferte biebmat, ovdamearkka dihte kriisabebmama álggahit, de dahká dat dili vel eanet hástaleaddjin. Lossa suoidnespáppaid ja fuoðarseahkaid gieðahallan ja geasehallan guhkes gaskkaid meahccái sáhttá leat hui lossat ja sáhttet várálaš dáhpáhusat deaividit. Dasto sáhttet mohti ja moalut mat bohrihit fápmofuoððariin ja suinniin vahágahttit čalmmiid ja vuohččecuoccaid sihke olbmuin ja bohccuin. Olu boazodoallit vásihit ahte biebman suoidnespáppaiguin, suinniguin ja fápmofuoððariin sáhttá leat lossat rupmašii. Danne lea deatalaš muitit DBS bieb mama oktavuoðas.

Deatalaš DBS-doaibmabijut maid berre árvvoštallat:

- Atnit suodjaleaddji njálbmesuoj (máskká) go biebmá fápmofuoððariin ja goike suinniguin (main mohti ja moalut bohrihit).
- Atnit dohkkehuvvon mašiinnaid/loktenrusttegiid maiguin gieðahallá fuoðarseahkaid (800 kg) ja





Niibbiin sáhttá rahpat suoidnespáppa, muhto dat lea oalle lossat ja váttis. Suoidnespáppain main lea plastihkka ráigánan, lea hui sihkkarit heittot fuoðdar, danne go áibmu lea beassan sisa ja de guohppu fuoðdar ja/dahje baktearat leat dagahan ahte fuoðdar guohcagišgohtá. Govva: Svein Morten Eilertsen.

suoidnespáppaid (su. 750 kg) ja ale mana GOASSE daid vuollái go leat heaŋgasis.

- Heivehuvvon veahkkeneavvut/fievredanrusttegat maiguin geaseha/fievreda fápmofuoððara, suinniid ja suoidnespáppaid. Jus fuoððara ja rusttegiid áigu fievredit rámšo geainnu de gánnáhivčii láigohit boagánmašiinna mainna jalge luotta gokko sáhttá sihkareappot geasehit. Orahagain gos lea dábálaš dávjá biebmá fápmofuoððariin gánnáha geavahit fápmofuoðarsilo.
- Sáhttá leat hui váttis gieðahallat suoidnespáppaid, erenoamážit go leat galbmasat (vuollel 25 % goikeávnas). Soames boazodoallit leat háhkan mekánalaš suoidnespábbagaikkodeaddji mii bossu fuoððara stuora reagaide maid dasto geaseha skohterii ealu lusa. Gávdnojít maiddái eará rusttegat tráktorii maiguin sáhttá gaikut sihke máiza ja galbma suoidneseahkaid, ja dasa lassin dakkár reaiddut maid olbmofámuin gieðahallá.
- Čorge fuoðarguðjjuid (plastihkaid, firpmiír ja fuoðarseahkaid) ja váldde mielde ruoktot.



Oalle dábálaš, muhto várálaš bargodilálašvuohta boazodoalus. Fuolat fal ahte dus lea heivvoláš ja dohkehuvvon loktenrusttegat! Govva: Svein Morten Eilertsen.



Tráktoriin joðiha mašiinna mainna gaikkoda suoidnespáppa ja bossu suinniid njuolga fuoðargielkái. Govva: Stig Rune Smuk.

REFERÁNSSAT

- Aagnes, T.H., Blix, A.S. & Mathiesen, S.D. 1996. Food intake, digestibility and rumen fermentation in reindeer fed baled timothy silage in summer and winter. *Journal of Agricultural Science*, Cambridge. 127:517-523.
- Aagnes, T.H., Sørmo, W. & Mathiesen, S.D. 1995. Ruminal Microbial Digestion in Free-Living, in Captive Lichen-Fed, and in Starved Reindeer (*Rangifer tarandus tarandus*) in Winter. *Applied and Environmental Microbiology*. 2(61):583-591.
- Mo, M. 2005. *Surfórboka*. Oslo: Landbruksforlaget, Tun Forlag AS. Side 215.
- Tyler, N. 1993. Fettreserver hos rein (26-31) fáddágihppagis Rein (2-93) áigečállagis Ottar nr 195 – Romssa museumma popularadieðalaš áigečála

ČÁLLIT:

Svein Morten Eilertsen¹, Erlend Winje¹, Rebecca Davidson², Torill Mørk² ja Ingebjørg H. Nymo²

1) NIBIO, 2) Veterinærinstituttet